



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Vngariae.

**urn:nbn:de:hbz:466:1-20006**



gravatum, & tam in temporalibus quam in spiritualibus non modicum imminutum, impendere procurasti, multa fuimus exultatione repleti; solitudinem tuam magnis in Domino laudibus commendantes, quam & ipsius Abbatis nuncius in praesentia dilectorum filiorum P. tituli sanctae Caecliae Presbyteri & G. sanctorum Cosmae & Damiani Diaconi Cardinalium, quos ei concessimus auditores, laudabiliter commendabat; assensu tamen quod idem Abbas contra ordinationem tuam in nullo venerat, aut venire volebat. Nos igitur ratum habentes & firmum quod circa quasi desperatam curationem supradicti monasterij à te laudabiliter statutum esse dignoscitur, praesentium tibi auctoritate mandamus, quatenus constitutionem in eodem monasterio per tuam prudentiam factam irrefragabiliter facias observari, contradictores, sicut expedire videris, ecclesiastica censura compescens. Verum quia praefatum monasterium de negligentia & gravi culpa praesidentis Abbatis ad horribilem diminutionem & inopiam asseritur devolutum, ut omnis occasio scandalorum tollatur de medio, & locus ille recepto peroptato reformationis solatio valeat aliquando respirare, volumus atque mandamus ut si praedictus Abbas, sicut tuis literis intimasti, ordinationem tuam impedit aliquatenus, vel turbavit, praesertim cum manifestè sit de dilapidatione suspectus ac etiam infamatus, eum usque ad perfolutionem debiti à monasterio ipso localiter & ab ipsius administratione amoveas, & in cella quae est Padua, facias in necessitatibus provideri. Quod utique si ipse adimplere fortè contempserit, eum ad id omni contradictione, appellatione, & excusatione cessante, per censuram ecclesiasticam auctoritate nostra compellas. Dextrariis autem, & aliis equis, quos idem Abbas habere dignoscitur, in manibus tuis receptis, & venalitati suppositis, ut de illorum precio pars debiti, prout expedit, perfolvatur. Praeterea noveris ad nostram audientiam pervenisse quod postquam N. monachus praesentium lator ad Romanam Ecclesiam iter arripuit veniendi, praetaxatus Abbas in contemptum apostolicae sedis & nostrum, eum officio beneficiòque pro sua voluntate suspendit, & administratio-  
ne, quam habebat in cella quae est apud

Ferrariam, eundem sua temeritate privavit. Quod utique grave admodum & molestum ferentes, fraternitati tuae per praesentia scripta mandamus, quatenus, si verum est quod asseritur, officium, & beneficium, necnon & administratio-  
nem, quam idem monachus prius noscitur habuisse, illi auctoritate nostra restituas, & facias pacifica possessione gaudere. In expensis etiam moderatis, quas veniendo ad Romanam Ecclesiam fecisse perpenditur, de bonis monasterij eadem facias provideri. Datum Laterani iij. Nonas Februarij.

ILLVSTRI REGI VNGARIAE.

**E**Am de serenitate regia fiduciam obtinemus, ut quae à nobis postulat, justè posse credamus & honestè compleri. Eapropter carissime in Christo filius tuis precibus annuentes, monasterium illud, quod B. quondam Comes de Bichor aedificare incepit, & morte praeventus consummare non potuit, in locum tutiorem & magis idoneum transferendi, si de assensu dioecesanii Episcopi fieri poterit, liberam tibi concedimus auctoritate apostolica facultatem. Nulli &c.

*Epist. 9.*  
De transferendo monasterio quod B. quondam Comes de Bichor aedificare incepit, ad loca tutiora.

NOBILI VIRO A. DVCI.

**L**icet universis liberum sit arbitrium in votendo, nec necessitas in votis locum habeat, sed voluntas, usqueadeo tamen solutio necessaria est post votum, ut sine propriae salutis dispendio alicui resilire non liceat ab his quae sponte ac solenniter repromisit. Accepimus siquidem quod cum inclitae recordationis B. quondam Rex Vngariae pater tuus ageret in extremis, & de sua penitus convalescentia desperaret, votum quo voverat Domino Hierosolymitan. provinciam in forti manu & brachio extento, corde rament humili, & humiliato spiritu, visitare, sub interminatione maledictionis paternae commisit tuae fidei exequendum; & tu intellecta pia voluntate parentis, assumpto crucis signaculo, te id impleturum sine dilatione qualibet promisisti. Verum eodem patre tuo sublato de medio, cum Hierosolymitanum inter te accipere simulasses, assumptae peregrinationis oblitus, quam contra inimicos crucis dirigere debueras, in fratrem tuum & regnum

*Epist. 10.*  
De profecutione voti Regis Vngariae patris sui defuncti.